

GRADU ETA MASTER TITULU OFIZIALEN CURRICULUMEZ KANPOKO PRAKTIKA AKADEMIKOAK

Curriculumez kanpoko praktiken inguruko esteka interesgarriak:

[Kanpoko Praktika Akademikoen Arautegia](#)

[Letren Fakultateko Idazkaritza eta tramiteak](#)

[Aitorpenak, baliozkotzea eta homologazioak](#)

Kanpoko Praktika Akademikoen Arautegiaren laburpena

Xedea eta definizioak

1.-Arautegi honen xedea UPV/EHUko gradu eta master titulu ofizialetako eta berezko ikasketetako ikasleen kanpoko praktikak arautzea da. Xedapen orokorrak berezko ikasketei aplikatuko zaizkie, haien espezifiktasunaren arabera aplikagarria den alderdietan.

2.-Arautegi honen ondorioei begira, zera ulertuko dugu:

- a) Tutorea UPV/EHUko irakasle-ikertzaile bat da, eta haren egiteko nagusia da erakunde laguntzaile batean kanpoko praktika akademikoak egiten ari den ikasleari jarraipena egin eta laguntzea da. Ikasle bakoitzari tutore bat esleituko zaio.
- b) Instruktoarea, kanpoko praktika akademikoak gauzatuko diren erakunde laguntzaileko kidea da, eta bertan egiten du lan, eta haren egiteko nagusia da prestakuntza jarduerak antolatzea, unibertsitatearekin ados jarrita. Ikasle bakoitzari instruktore bat esleituko zaio.
- c) Praktika Programaren Arduraduna (aurrerantzean, PPA) unibertsitatearen egiturako edo ikastegiko pertsona bat da, eta haren egitekoa da kanpoko praktika akademikoen programa antolatzea, koordinatzea eta kudeatzea.
- d) Erakunde laguntzailea, UPV/EHUrekin kanpoko praktika akademikoak gauzatzeko akordio batera iristeko ahalmena duen enpresa edo erakundea da.

Arautegi honen ondorioei begira, «erakunde laguntzailea» kontzeptuak UPV/EHUren antolakuntza unitateak ere bere baitan hartuko ditu, 21. artikuluaaren prozedura jarraituz ikasleei kanpoko praktika akademikoak eskaintzeko onartzen badira.

Praktikak egitea

- 1.-Graduko tituluetan curriculumez kanpoko praktikak egiteko, ikasleak titulua eskuratzeko 120 kreditu gaitututa eduki beharko ditu gutxienez.
- 2.-Master ofizialeko ikasleek kanpoko praktika akademikoak egin ahal izateko, ikasleek titulazioaren koordinatzailearekin jarri beharko dute harremanetan lehenik, praktikak egiteko baimena emateko.
- 3.-Ikastegi bakoitzak prozedura bat finkatuko du curriculumez kanpoko praktika akademikoen programan parte hartzen duten ikasleei tutore bana esleitzeko, ikastegian eskola orduak dituzten sailei atxikitako irakasleen artean.

Kredituak aitortzea

- 1.-Arautegi honetan aurreikusitakoarekin bat etorruta, ikasleak egindako curriculumez kanpoko praktikengatik hautazko kredituak aitortu ahal izango dira, ikaslea egiten ari den UPV/EHUko tituluaren ikasketa planak hala aurreikusten badu. Letren Fakultatean, gehienez, aukerako 1 2 ECTS kreditu lortu ahal izango dira Graduko ikasketetan.
- 2.-Edonola ere, praktika horiek berezko ikasketetan kredituak aitortzeari eta transferitzeari buruz indarrean den araudiak ezarritakoaren arabera aitortuko dira.
- 3.-Curriculumez kanpoko praktika akademikoengatik kredituak aitortzeari dagokionez, praktiketako 25 ordu ECTS kreditu baten baliokide izango dira.
- 4.- Ez da baimenduko GAUR aplikatzearen bidez kudeatutako hitzarmenik ez duten praktiketako kredituen aitortzearen, garaiz eta behar bezala.

Praktiketan ari diren ikasleen eskubideak eta betebeharrak

- 1.-Kanpoko praktikak egitean, ikasleak honako eskubide hauek izango ditu:
 - a) Praktikek irauten duten bitartean, unibertsitateko irakasle baten eta praktika egiten ari den enpresa, instituzio edo erakundean lanean ari den profesional baten tutoretzarako eskubidea.
 - b) Ebaluaziorako eskubidea, unibertsitateak zehazturiko irizpideen arabera.
 - c) Praktiketako erakunde laguntzaileak egindako txostena eskuratzeko eskubidea. Bertan, berariaz aipatuko dira egindako jarduera, iraupena eta, hala badagokio, errendimendua.

- d) Hala zehaztu den kasuetan, erakunde laguntzaileak ikasketetarako laguntza gisa finkatutako ekarpen ekonomikoa jasotzeko eskubidea.
- e) Jabetza intelektual eta industrialerako eskubidea, legeriak arlo horretan zehaztutako baldintzetan, ikasleak lagapen edo transmisio dokumentua sinatu duenean izan ezik, dagozkion aplikazio informatikoetan dauden ereduak erabiltzeko aukera edukita.
- f) Segurtasun eta lan arriskuen prebentziorako araudiaren gaineko informazioa jasotzeko eskubidea. Informazio hori erakunde laguntzaileak eman beharko du.
- g) Bere jarduera akademikoa, prestakuntza zereginak eta ordezkaritza nahiz partaidetza betebeharrak betetzeko eskubidea, aldez aurretik erakunde laguntzaileari jakinarazita.
- h) Ezgaitasunak dituzten ikasleen kasuetan, praktikak besteen baldintza berberetan egiteko eta tutoretza, informazioa eta ebaluazioa jasotzeko eskubidea.
- i) Ezgaitasunak dituzten ikasleen kasuan, praktikak ezgaitasunari lotutako edo hortik eratorritako jardueretara eta egoera pertsonalera egokitzeko eskubidea.
- j) Azterketak egiteko praktiketara ez joateko eskubidea, hiru egun lehenago tutoreari eta instruktoreari horren justifikazioa emanda. Arrazoi akademikoengatik edo beste era bateko arrazoiengatik joan ezean, ahalik eta lasterren emango die horren berri tutoreari eta instruktoreari, eta tutorearen baimena eskuratu beharko du.
- k) Indarrean den araudian eta unibertsitateak eta/edo erakunde laguntzaileak izenpetutako hezkuntza lankidetzarako hitzarmenetan aurreikusitako beste eskubide guztiak.

2.-Era berean, kanpoko praktika akademikoak egin bitartean, ikasleek honako betebeharrak hauek izango dituzte:

- a) kanpoko praktiken arloan indarrean dagoen arautegia, unibertsitateak zehaztutakoa, betetzea.
- b) Praktiken prestakuntza proiektua ezagutzea eta betetzea, erakunde laguntzaileak izendatutako instruktorearen jarraibideak kontuan izanik eta unibertsitateko tutorearen gainbegiradapean.
- c) Praktikak egin bitartean unibertsitateko tutorearekin harremana izatea, eta praktikarekin zerikusia duen edozein gorabehera hari jakinaraztea, bai eta eskatzen zaizkion agiriak, txostenak eta azken memoria entregatzea ere.

- d) Erakunde laguntzailean hitzartutako egunean hastea, hezkuntza proiektuan aurreikusitako ordutegia betetzea, praktikaren arabera jantziak eta higiena mantentzea, eta erakundearen funtzionamendu arauak eta segurtasun eta lan arriskuen prebentziorako arauak errespetatzea.
- e) Praktiketako pertsonen eta instalazioen segurtasuna bermatuko duen jarrera erakustea.
- f) Prestakuntza proiektua garatzea eta erakunde laguntzailearekin hitzartutako jarduerak egoki betetzea, proiektuan ezarritako lan ildoen arabera.
- g) Praktika motaren arabera arautegi honen 32. eta 40. artikuluetan aurreikusitako agiriak prestatzea eta entregatzea.
- h) Erakunde laguntzailearen barne informazioari lotutako konfidentzialtasuna gordetzea eta sekretu profesionala gordetzea: hortaz, praktikak egin aurretik, egin bitartean eta behin amaituta ezagutzen edo eskuratzen dituen datuak ez dizkie hirugarren pertsonari komunikatuko eta jakinaraziko.
- i) Baliabide informatikoak erabiltzeko proposatutako jarraibideak eta segurtasun neurriak betetzea, informazioa eskuratzean eta agiriak babestean, baita instalazioen segurtasunean ere.
- j) Erakunde laguntzailearen politikarekiko errespetuzko jarrera izatea une oro, partaide den unibertsitatearen izen ona zainduta.
- k) Indarrean den araudian eta unibertsitateak erakunde laguntzailearekin sinatutako hezkuntza lankidetzarako hitzarmenetan aurreikusitako beste edozein betebeharrak.

3.-Aurreko atalean aipatu diren betebeharrak bete ezean, praktikak bertan behera utzi ahal izango dira. Horretarako, UPV/EHUk edo erakunde laguntzaileak beste aldeari arau hauste horren berri jakinaraziko dio, eta aldean artean izenpeturiko lankidetzak hitzarmenean aurreikusi bezala ebatzi beharko da auzia.

4.-Betebeharrak betetzen ez badira edo praktikak justifikaziorik gabe uzten badira, ikasleak zigortuko da, praktika berriak eskatzen dituenean esleitzerakoan lehentasunerako aukera galduta.

5.-Ikasleak praktikara ez joateko aukera izango du azterketak egiteko, hiru egun lehenago instruktoreari dagokion justifikazioa emanaz gero. Arrazoi akademikoengatik edo beste era bateko arrazoiengatik joan ezean, ahalik eta lasterren emango die horren berri tutoreari eta begiraleari, eta tutorearen baimena eskuratu beharko du.

Hitzarmenak izapidetzea eta sinatzea

- 1.-PPAk edo, hala badagokio, tituluko praktiken arduradunak hitzarmenak izapidetzeari ekingo dio, eta haien edukia adostuko du erakunde laguntzailearekin.
- 2.-Hitzarmena indarrean dagoen praktiketako araudian ezarritako ereduaren arabera izango da.
- 3.-Erakunde laguntzaileko ordezkari ahaldun batek, dekanotza edo zuzendaritza taldeak izendatutako pertsona batek eta praktika egingo duen ikasleak sinatuko dute hitzarmena.

Ebaluazioa

- 1.- Ikasleak GAUR bidez osatuko du praktikaren azken txostena.
- 2.-Era berean, ikasleak tarteko jarraipen txosten bat prestatu beharko du, ahal bada praktika epearen erdia igarotzean, tutoreak hala egiteko eskatzen badio. Txosten horretan, prestakuntza proiektuaren garapenaren balorazioa egingo du ikasleak, horretarako finkatutako ereduaren arabera

Ikasleari ECTS kredituak aitortzea

- 1.-Praktikak kredituen transferentziari eta aitortzari buruz indarrean den araudian ezarritakoaren arabera aitortuko dira.
- 2.-Curriculumez kanpoko praktika akademikoengatiko kredituak aitortzeari dagokionez, praktiketako 25 ordu ECTS kreditu baten baliokide izango dira. Letren Fakultatean, gehienez, 12 ECTS kreditu hautazko lortu ahal izango dira (bi ikasgai hautazko).
- 3.-Unibertsitateak ezarritako ereduaren bidez tutorearen aldeko ebaluazioa lortu ondoren, ikasleak egindako kanpoko praktika akademikoen ziurtagiri bat eskatu ahal izango dio PPARI edo, hala badagokio, tituluko praktiken arduradunari. Praktiken aitortzarako, ikastegiak finkatuko du zer prozedurari jarraitu behar zaion eta, hala behar bada, zer dokumentazio eska daitekeen.